

# Ленинэнь киява

ВЛКСМ-нь Мордовской обкомонь ды Сарансконь ошонь комитетэнь газетаст

ОКТАБРЯНЬ

10 чи,

1937 ие

№ 116 (795)

ЛИСИ

7-це но  
чинь ютазь

## Тонавтнизь В. И. Ленинэнь валонзо

Октябриянь 4-це чистэ Дубенкань средней школань комсомольской организациянь вейсэнэ промксонть ульнесь ловнозь В. И. Ленинэнь валонзо, конань сон евтязе 1920 иестэ РКСМ нь III-це с'ездсэ. Тесэ эрва комсомолецсэ чаркодизе, кода сон должен роботамс, тонавтнемс коммунистмантень.

Ловномадо мейле ламот кортасть комсомольской роботадонть ды школасонть асатыкстнэде. Эрви меремс, што комсомольской организациясь касы, те промксонть-как примазь 7 ломанть. Но зыанось сеньсэ, што комсомольской организациясь овси лавшосто вети воспитательной роботанть од комсомолецтнэнь ютксо, лавшосто ладязь сынст политтонавтнемаст. Секскак самай школасонть появаст фашистской знакт.

Преподавательне Я. требова ды Ястребов калавсть воспитательной роботанть. Ястребова кежей-стэ обращается пионертиэнь марто, лиясто жо тонавтиятнэнь эсинзэ нарьгамосо пачтни сеньс, што сынест а савкшны модемс сонзэ уроктнэс. Ястребова аволь видестэ путнесь отметкат тонавтиятнэнь.

Ястребов завучесь расписаниянь теизе истя вредительски, што седейстэ сезневить военной теветь практикосо тонавтнемась.

Преподавательне - комсомолецтнэ тешкстасть, што педсоветчаниясо вестькак эзь ульне аравтозь вопрос дисциплинадонть.

1936 иестэнь народонь врагонть Нуязинэнь приспешниктнэ Лабзина ды Учаев кекшсть Родионов икелень комсомолецтнэ контрреволюционной выражениянзо.

Промксось тешкстасть, што кода ютась иестэнь, истя жо нейгак а тонавтневить промксонь решениятнэ.

А. Тюкин.

## Пленумонть решениятне апак толкова

Сайне велень комсомольской организациясь те чис эзинзе толкова ВЛКСМ нь ЦК-нь IV-це пленумонть решениятнэнь. Апак вано сень лангс, што комсомолецтнэ бажить тонавтнемс пленумонть исторической решениятнэнь, кияк ай-арси тень ютавтомо.

Те лисни секс, што ВЛКСМ-нь райкомось Сайне велень комсомольской организациянь кадизе эсь олязонзо ды арась пельдензэ кодамоак руководства.

Комсомольской организациясь а вети воспитательной работа аволь союзной од ломантнэнь ютксо. Зярдояк арасельть марто тост беседат, вейсэнэ промкст ды лият.

Саемс Панчайкин Витянь ды Гарькин Васянь. Сынэ умок уш сварьтнить комсомолс совамо. Но комсомольской организациясь (секретаресь Хрипунов) сезевсть аволь союзной од ломантнэнь эйстэ. Хрипунов мельсэк а кирди, штобу комсомолс анокстамс партиятнэнь преданной аволь союзной од ломантнэнь. И. Батяйкин. Дубенкань р-н.



Мудрой сталинской национальной политикасонть вдохновляемой СССР-нь Союзонь ламо национальной народось строи эстензэ уцяскав, кеярдков эрямо. Вейке семиякс, конат а содыть национальной вражда ды розня, минек социалистической родинань народтнэ кеярдозь анокстыть СССР-нь Верховной Советс кочкамотнэнь.

СНИМКАСОНТЬ: Червленая велень (Якстереармейской р-н, Сталинградской обл.) школань ученицась Роза Куканова ловны калмыцкой "Путь Ленина" колхозонь сыре кохозниктнэнь "СССР-нь Верховной Советс кочкамотнеде Положениятнэнь". Фотось А. Маклецовонь.

## Октябрьской читненень анокстыть морот

Чамзинкань средней школасонть ули музыкальной кружок. Совзэ ветицась Карташов Петя (тонавти 9-це классо) пек вадрясто седи гармониясо, мандолинасо ды балалайкасо.

Кружоксонть весемезэ 15 эйкакшт. Сынст ютксо улиг од покш дарованият. Вана, примеркс, Фокин Толя (тонавти 7-це классо). Сонензэ 13 иеть. Школасонть лова

вови балалайкасо секс вадрясто седицкс. 14 иесэ Сочкова Ира (тонавти 8-це классо) пек вадрясто налкси балалайкасо ды гитарасо.

Ней кружокось аноксты морот Октябрьской читненень. Сынст программасост, "По военной дороге", "Жить стало лучше, жить стало веселей", "Капитан" ды зярыя лият. Кружокось тонавтсь уш 20 морот. Ив. Симдянов.

## Райкомось а мелявты

Дубенкань район. Кенде велень комсомольской первичной организациянь комсомолецтнэ ютксо уш кавто ковт арась политтонавтнема, арась пропагандист.

Комсоргось а весть кортнесь

ВЛКСМ-нь райкомсо, штобу сынест кучовольть пропагандист, но райкомось тень коряс а мелявты, организациятнэнь а лезды.

М. Никитин.

## ЛЕУШКИН МАНЬЧИ ПИОНЕРТНЭНЬ

Югась иестэнь З. Балейкина вожатоес каладома лангс пачтизе Кенде велень аволь полной средней школань пионерской отрядонть. Кодамоак работа эзь вети.

Аволь седе парте тевесэ ашти тедидеяк. Сентябрянь 13-це чистэ вожатоекс кочказь И. И. Леушкин Сонгак работа а вети. Сентябрянь

30-це чистэ пионертиэненень мерсь, што ютавтано сбор ды сон сынст манизе. Сборов эзь сакшно, чоп базарга иредьстэ яксесь. Ды буи а кармить улеме примазь эрявикс мерат, сестэ Леушкин пионерской отрядонть пачтасы допрок каладомас. М.

Дубенкань район.

## Пионерской отрядт улиг, работа арась

Чамзинкань район. Хлыстовка велень школасо улиг организавазь пионерской кавто отрядт. Вейкенень вожатоекс ульнесь Дурнова, сон ней туь лия велев, омбоцесэнтэ—Марискина, сон отказась вожатоень роботадонть. Ды, нама, теде содыть комсомолонь райкомоськак, комсомольской первич-

ной организацияськак. Секс сынэ истя жо содыть, што неть кавто отрядтнэсэ арась кодамоак работа.

Тонавтнема иенть ушодовомадо мейле те шкас эшо яла арасель ютавтозь вейкеяк сбор. Кевкстни-тяно, зярс те истя карми улеме?

П. Машутов.

## Библиотекась книгавтомо

Ташто Мурзань аволь полной средней школань библиотека онть арась тонавтиятнэненень ловномс кодамоак художественной литература. Теде башка, школань директорось Нестеров омбоце ков кирди библиотеканть нектазь. Тонавти-

ятнэненень ютко шканть ютавтомс а косо, тевтеме чийнить кува поигсь. Директорось Нестеров те шкас а снартни книгань рамамо, а мелявты тонавтиятнэненень кис.

Н. Саблин.

Кочкуровань р-н.

Серма редакция

## Зярко получан комсомольской билет?

1936 иестэ Пермизь велень первичной комсомольской организациясь монь примимем ВЛКСМ-нь членэкс. Комсомолонь райкомось те решениятнэ кемекстызе, но те шкас мик монень эсть максо комсомольской билет. Вана уш цеда не комсомолонь Покш-Бережникинь райкомсо бюрократнэ мами-чить монь эйсе билетнэнь максомасонть.

Энялдан редакциятнэ икеле, штобу сон лездаволь тень получамс комсомольской билет.

В. С. Латышев.

Чамзинкань район,  
Пангилей веле.

## Комсомолец-хулиган

М. Никитин тонавти Кенде велень аволь полной средней школань 7-це классо Сон ловови комсомолецкс. Но сон комсомольской кодамоак работа а вети.

Школасонть сонярой хулиган. Эрва чистэ сон авардсти 2—3 ломанть. Эсь прызго вети сех безобразнойстэ. Весемень лангс пижиг, кройси виськс валсо, зельсэнэ кандти пугач ды пеель. Преподавательте а кунцолокшны.

Комсомольской организациясь соды Никитин Максимень хулиганской тевтнеде, но вестькак сонзэ кувалт эсть аравтикс вопрос комсомольской промксос.

Содиця.

Дубенкань район.

## Арась ответственность физкультурной роботанть кис

Физкультурной роботась Покш Березникинь районсо ульнесь кохозной од ломантнэнь вечкевикс тевекс. Райононть келес ульнесь физкультурной 15 кружокт, конатне роботась вадрясто.

Мекев лангк ашти тевесэ ней. Саемс райцентранть. Спортивной валксемат зярдояк аэрсит, спортивной площадкась стувтозь, ячить ланганзо вазт, тувот ды лия скотинат. Организовазь физкультурной кружоктнэ аштить каладома лангсо.

Физкультурной тевенть коряс уполномоченноесь Ворожейкин мезеяк а роботы, пели колхозонь од ломантнэненень прызго невтеме, секс што, сонзэ, бездельникенть, кармить критиковамонзо.

Райцентранть строять парашютной вишка, конась те чис а роботы. ВЛКСМ-нь райкомонь секретаресь Левин ды Ворожейкин а кандыть ответственность те тевенть кис. С. С. К.


## Лишний сюронть миить государствав

Ордань-буень Калинин лемсэ колхозонть колхозниктнэ Казаков, Галин ды ламо лият тедиде получить ламо суро, конань эйсто лишноенть мисызь государствав.

Сынэ максть заказ, штобу теишт усковольть велосипедт. Мордовской хлебторгонь представителесь Писенев мерсь, што сон велосипедт уски. П. Русекин.

Дубенкань р-н.





Октябрьской Социалистической Ине революция 20-це годовщиантень Московский Кремлянь башня лангсо кармить улеме аватозь рубиновой звездат.

СНИМКАСОНТЬ: рубиновой звездат, конань смонтировал машиностроениянь ды металлообработкань Центральной научно-исследовательской институтось, Кремлясо Троицкой башнянь туртов. Звезданть вакссо заводонть старшей технологось Н. Ф. Шемшурин ялгась.

Фотось Л. Доренкоень (Союзфото).

### Вечкса художественной литературанть

Мон фельдшерско-акушерской школань тонавтиция. Пек вечкан ловномс художественной литература. Ловнынь Некрасовонь „Кому на Руси жить хорошо“, Пушкинень „Борис Годунов“, „Капитанская дочка“, „Дубровский“, Л. Н. Толстоень „Анна Каренина“, „Война и мир“, Н. Островскоень „Как закалялась сталь“ ды лият.

Монь а кирди седеем, штобу а ловномс эрва ютко шкане художественной литература.

М. Буркаев.

## МИНЕК МАТЕРИАЛОНОК КОРЯС

### „Безнаев а роботы“

Истямозаметка миненек кучокшнось юнкор Чамзинской райононь Хлыстовка велестэ. Заметкасонть сермадозель, што Хлыстовка велень чарынь теема артелесь роботы беряньстэ, артелень роботыцятне ютксо кодамоак робота арась, што артелень руководителесь Безнаев овси а заботи роботанть витеманзо кис ды лият.

Те заметканть кучокшнынек рас-

следовамонь ды мерань примамонь кис Чамзинкань райзос. Тосто миненек пачтять куля, што чарынь теема артелень роботазо юты алкукс беряньстэ, Безнаев а путы мель роботанть вадрылгавтоманть. РайЗО-сь мерсь колхозонь правлениянтень, штобу правлениясь эсь заседаниясонзо каявлизе роботасто Безнаевень.

### „Колси вельхозартелень уставонть“

Те заметканть миненек кучокшнызе Ичалкань райононь Сокулька велень Молотов лемсэ колхозонь колхозник. Сон сермадокшнось, што Сокулька велень советнень председателесь Литюшкин колси вельхозартелень уставонть, што сон колхозниктень апакекксть единоличникенть Косынкин Яковонь кедьстэ ледевтсь эстензэ тикшеть колхозонь луга лангсто.

ВКП(б)-нь Ичалкань райкомось

миненек те заметканть коряс пачтять куля, што Литюшкин Т. П. алкукс ледсь колхозонь лугадо 0,5 гектар тикше. Литюшкиннень мерезь, штобу максомс ледезь тикшеть Молотов лемсэ колхозонтень, вельхозартелень уставонть коламонть кис жо Литюшкиннень теезь взыскания. РайЗО-нь заведующеентень максозь предупредення, сень кис, што сон кодаткак мератэзь прима уставонь коламонть каршо.

### „Апак чумондт“

Истямоматериал минь получакишнынек Дубенкань райононь Кабай велестэ юнкоронть пельде. Сон сермадокшнось, што Кабай велень колхозницятне Ломова С. ды Кижайкина М. ламо иень перть торговить винасо, пельлитра винанть кис, конань питнезэ 6 целковойть, сынь саять 7 целковойть.

Те заметканть минь кучокшны-

нек милициянь Дубенкань районной отделс расследованиясь ды мерань примамонь кис. Тосто миненек пачтять куля, што заметкасонть сермадозь фактось виде. Ломовань винасо торговамонь кис народной судось судизе 8 ковт принуд роботас, Кижайкина лангс жо путозэ 250 целковойть штраф.

## Консультацият ды семинарт

Ардатово. Сентябрянь 30-це чистэ райОНО-сь тейнесь консультация физкультурань, рисовамонь ды морамонь предметнень коряс. Консультациянтень ветясть квалифицированной специалист.

\*\*\*

ВЛКСМ-нь райкомось сентябриянь 30-це чистэ ютавсь пионер-

вожатойтнень вейке чинь семинар, косо максозь установкат, кода седе вадрысто ютавтнемс пионерской сборт. Ульнесь ютавтозэ образцовой сбор.

Истят семинартнень кармить улеме ковозонзо кавксть.

Гайгин.

## Серма редакцияв

Эялдан „Ленинэнь киява“ газетанть икеле лездеамс монень. Мон комсомолецан 1934 иестэ. Ней середян тевияловонь туберкулезсо, II-це стадиясо. Роботыцяс, нама, а маштован.

1937 иестэнтэ колхозонь правлениясь монень макснесь ярсамкши инвалидной фондсо. Ней жо, сентябрь ковсто кшинь максоманть отказызе ды ней вана кши а максни.

Теде башка мон аштянь II-це группань инвалидэкс Мордовской промккассо, конась монень пандсь эрва ковсто 20 целковойть 70 трешникт. Но тостояк апрель ковстоныт саязе те шкас монень эсь кучне ярмакт.

Положениям пек стака. Эялдан лездеамс.

А. Н. Филиппов.

Чамзинкань р-н, Хлыстовка веле.

Редакциянтэ пельде. Вештяно Чамзинкань прокуратуранть пельде ванномс те тевенть, лездеамс Филипповнень скоронь ды инвалидной пособиянь получамосонть. Оймевтеме ломантнень жо таргамс ответственностьс.

## Сисем целковойть...

Козловкань район. Жабина велень советнень ды колхозонь председателтьне Сеськин ды Чибулаев пек вечксызь винадо симеманть. Ды кода тесг а симемс, неть со-весытеме ломантне, конат пельлитрань кис анокт куш мезес, — якить колхозниктнень ланга ды нахально вешить эрванть пельде сисем целковойть.

Ламонь кедьстэ сынь истя сайнесть, макснесть мень бути фальшивой квитанцият ды те шкас вешить эсис преступной те тевенть, ярмактнень пандомадо жо ай-арситьсякак.

Я—содыця.

## Л. М. Заковский

### Комсомолс эцезь врагтнень коварной кой-кона приемтнэде ды методтнэде\*)

Минь содатано, што врагтнэ эсис подлой деятельностьсэс тевс нолдтнить коварной эрва кодат приемт ды методт. Но аволь виле улелель бу арсемс, што коварной неть методтнень каршо можна бороцямс анык сестэ, зардо улить особой способностть. Алкуксонь тевсэ те аволь истя. Коварной ламо методтнень марто ве шкане врагось аволь чуросто роботы наив, нахально, буквально эсинекек вакссо, сельменек икеле.

Бути минь заводсо эли транспортсо маштынек контрреволюционной вредительской группанть ды те эзь пачтя тесэ весе роботанть решительной вадрылгавтоманть, то, основываясь контрреволюциянт каршо бороцямонь эсинь аволь аламо весе опытанть лангс, мон лован возможнойкс меремс, што те участкасонть ламодо эщо аволь весе вадрысто ашти.

Колмошка недлядо икеле ми-

нек ошонть мадсь электричеством, лоткась кой-кона заводтнень электроэнергиянь максомась. Эзь ульне максозь энергия ды лоткась решающий заводт, пиво-варенной заводтнэ жо, заводтнэ, конатне теить бисквитт ды конфеткат, роботаеть. Мейле ульнесь таргазэ лангс, што обводной каналсонть, конань ули хозяйственной покш значениязо, а саты ведесь. Ульнесь чаркодевикс, што тесэ действует вражеской кедь.

Ней арестовазэ Ленэнерго ды директорось Антюхин витькстась, што сон правойтнень ленинградской организациянт член, ульнесь сюлмазэ правойтнень марго, в частности Московсо Рыков марто, ды Рыковнень заданиязо коряс вредил Ленинградонь энергетической хозяйстваонть. Сонзэ приказонзо коряс ульнесь ликвидовазэ службатнень пельксэсь, конатне должны заниматься авариянь а нолдтнематнень коряс. Запасной частнень, конатне эрывать аварийнтнень седе курок ликвидациянт туртов, эсь анокставкино. Антюхин намеренно тевенть тапаризе истя, што ошэнтэ электроэнергиянь общей а сатомань случаетнень, энергиясь, васняк,

улелель максозь кондитерской, сапунень теема заводтнень ды конфетной фабрикатнень, важнейшей предприятияне жо улелельть выключеннойть сетьсэнтэ. Правойтнень бандась кеместэ эцезь Ленинградонь энергетической хозяйстваонть. Те банданть минь тапинеке, но вражеской кедьсэ яла тейсь эсь тевензэ.

Расследованиясь невтсь, што ошонь электростанциянтесэ управлениянтень эцезь фашистской государственн шпиконт. Аволь умок ульнесь судебной процесс энергетической хозяйстваонть вредительтнень лангсо. Подудимойтнень ютксо ульнесь кодамо бути Мандельбаум. Сон ульнесь дежурной инженерэкс, конань кедь лангсо дежурямонь шкастонть ульнесь Ленинградонь весе энергетической хозяйствась. Сон действовась вейке омбо масторонь разведкань заданиянь коряс. Мандельбаум получаь задания: контрреволюционной организациянт маштомань лангс ответксливтемс стройстэ Ленинградонь весе энергетической хозяйстваонть. Тень туртов сонь смартсь коламс электростанциянтнень эйстэ вейкестэнтэ автоматической выключателенть. Сон ульнесь арестовазэ, тень теемадо икеле, ды покш те диверсиянт эйстэ, конась организовазель гестапонть заданиянзо коряс, мезеязэ лисе. Фашизмань агентнэ те дерзостенть кис пандсь эсь прайсост.

Минь истя жо арестовинекек фашизмань зыряя агентт, конатне эцезь Ленинградонь комсомолс. Васенцтнень эйстэ вейкекс ульнесь арестовазэ Авербух. Васня сонэсь прайзо тейнесь нето святоекс, нето обидывозекс, мейле сатышкасто откровенно евтнесь Осоавиахимень системасонть эсинзэ вредительской актнэде, врагтнень марто эсинзэ сюлмавоматнеде.

Мон арсинь, што комсомолонь ошонь комитетэсь заинтересуется онзэ арестовамонь причинанть эйсэ, заинтересуется сеньсэ, мезе кенерсь натворить те отщепенецсь. Но кияк монень кодаткак вопроствэ максне, ды горкомсо мик эзь ульне неспокойствань признакт. Вйшла мар овастомсто, кона ульнесь сестэ ВЛКСМ-нь Ленинград кой обкомонь ды горкомонь секретарекс, мон меринь теизэ седе, што Авербух арестовазэ. Ды анык сестэ Вйшла кевкстимем: „Мезе жо тонеть корты Авербух?“ Мон отвечинь, што ярс сон монень мезеяк а корты, но мон ламо могу евтамс Авербухнэнь, ды теде мейле сон монень истя жо ламо евтни. Теньсэ кортнемазь прядовсь.

Арсян, што комсомолонь ошонь комитетэсь аволь случайно эзь ре-агирова Авербухонь арестовамонзо лангс. Бдительносттенть, насто-роженносттенть, классовой боро-цямодонть, врагтнень роботань ко-варной методтнэде покш фразань

\*) Ленинградской областканть НКВД-нь управлениянь начальниктень Государственной Безопасностень васень рангонь комиссаронть Л. М. Заковский ялганть ВЛКСМ-нь Ленинградской городской конференциясо валозо печатави живой нурь-калгавтозэ сермадовксоень коряс.



## КРИВОШЕЕВЕНЬ ТВОРЧЕСТВАДО

Октябрынь 7-це чистэ Мордовской писательствень Союзонь правлениясо писательской активесэ ваньызе И. Кривошеев (Илька Морыцян) творчестванзо. Кривошеевонь творчестводо докладонтэ тейнизе Е. Пятаев.

Кода докладсонть, истя жо прениянень эйсаяк ульнесь ливтезь лангс, што Кривошеев поэтэсэ меельсэ иетнестэ малав овси эзь касо творчествань коряс, сон меельсэ иетнестэ эзь максо вейкеяк истямо сермадовикс, конась то-павтовлизе бу ловныцятнень мелест, конатнень вешемаст пек кассть. Кривошеев те шкас эзь сермадо истямо произведения, конань бу улелель самостоятельной художественной значенизо.

Тедэ башка ульнесь лангс таргаз, што Кривошеев нейгак яла кодак не может явомс национализмадонть, формализманть ды схематизманть эйстэ. Сень таркас жо, штобу критиковамс эсинзэ ильведкстнень, изыть весе сегэсинзэ националистической, вредной творениятнень, кода „Инемар-аля“, „Саран ош“, „Остаткадо „Якстере сокицянтень“ ды ламо лият, — сон спартнесь доказать, што неть стихтнэ овси аволь вреднойть, аволь националистическойть ды секскак сон неть стихтнэстэ кой-конатнень максинзе Мордгизэв, штобу тосо лия стихтнэ марто сынст нолдавлизь сборникс. Ды эрви меремс, што неть стихтнэ (сынсь соваст кой-кона сборниктнень) нейгак не изытойть, нейгак сынст ловныть.

Заседаниясонть решазь, штобу сех маласо шкастонть вейсэ Мокш-эрзянь театрань артистнень марто ванномс Кривошеевонь „Олдыкимень свадьбазо“ пьесанзо ды бути те пьесастонтькак а карми неявиом Кривошеевонь касомазо, бути те пьесастонтькак Кривошеев эзь тее решительной поворот эсинзэ творчествасонзо, сестэ аравтомс вопрос седе, может ли Кривошеев улемс советской писательнень союзонть членкс. А. Мартынов.

## А ЧАРКОДЕВИКС ЧАТЬМОНИМА

„Эрзянь коммуна“ газетась те шкас яла упорно ай-арси вадрылгав омс газетанть. Эрзя кодат тапарякстнэ ды ачаркодевикс таркатне газетанть страницатнесэ нейгак лиснить.

Сентябрынь 29-це чинь номерсэнь нолдазь „СССР-нь Верховной Советс кочкамотнеде Положениянть“ тонавтнемань коряс кружоконть роботамонь примерной план. Тосо нолдазь истямо тапарявикс, конань кувалт киненьгак а чаркодеви, мезде моли кортамось. Те лисць „3-це занятия“ разделсэнь. Эр-воль бу сермадомс:

„Кода кочкамонь законось мелявты северной ды восточной васоло аштиця районтнесэ кочкицятнень кувалт, воинской частнэсэ, уйница суднатнесэ аштиця кочкицятнень кувалт, сеть кочкицят-

нень кувалт, конат аштить больницасо, шачтома кудотнесэ, санаториятнесэ, инвалидтнень кудотнесэ“.

„Эрзянь коммуна“ роботиктнэ тень тапаризь вана кода: „кода заботи кочкамонь законось северной ды восточной васоло аштиця районнень кочкицятнень кувалт, воинской частнэсэ, уйница суднатнесэ кочкицятнень кувалт, конат больницасо, шачтома кудосо, санаториясо, инвалидэнь кудосо“.

Чаркоди ли редакциясь, мезе тесэ лисць? Ваннать ли редакциянь сотрудниктнэ эсист газетанть лисемадо мейле? Те тапарякстонть мейле шкась ютась ламо, но редакциясь эзь ар-еяк максомс витевкс. Овси а чаркодеви истямо чатьмонимась.

## СОДАСЫ ЛИ ГРИГИЧЕВОНЬ „ЭРЗЯНЬ КОММУНА“ РЕДАКЦИЯСЬ?

„Эрзянь коммуна“ газетань октябрынь 3-це чинь 229 номерсэнь печатазель заметка „Миить сюрго государствав“, конань сермадызе И. Григичев (Ардатовань районсто).

Заметкань меельсэ строчкатнесэ те лжевеликорось сермады: „истя жо сюронь миёмась моли дружнасто лия колхозтнесэ, кода Ташто-Ардатовасо ды лиясо“. Григичев неть строчкатнесэ атак визде ды эсь лангзонзо кодамояк ответственностень атак сае маньчи газетантькак, ловныцятненьгак. Се

велесэнь жо се шкастонть госу-дарствас сюрго овси эзьтэ миекшне.

Те Григичевонть жо Ардатовань районсонть эйкакшонь пес сода-сызь прок пьяницань. Винадо симемань ды манчемань кис сонзэ эйстэ овси отказаст Ардатовань райгазетасонть.

Содасы ли „Эрзянь коммуна“ газетась Григичевонь? Арась, а содасы, секскак печаты сонзэ педепев кенгелеманзо.

П. М.

## А ТОЛКОВИТЬ ВЕРХОВНОЙ СОВЕТС КОЧКАМОТНЕДЕ ПОЛОЖЕНИЯНТЬ

Мокшэрзянь рабфаксо (Саранск) те шкас яла эйзэ толкова „СССР-нь Верховной Советс кочкамотнеде Положениянть“. Яла було шка а муилть. Ансяк III-це курссонть занятиянень шкасто ульнесь атак заня урок, сестэ тосо ловнызь Положениянть, толковамо жо арасель.

Ды, нама, тевесэ аволь шкасонть,

Тевесэ сеньсэ, што икелень директорсь, народонь врагтнень пособникесь Куркин весе виензэ путсь сенень, штобу сеземс „Положениянть“ тонавтнеманзо. Комсомольской организациясь жо ульнесь истямо беспомощной, што кодак эзь кундаво „Положениянть“ тонавтнеме.

П. Л.

П. Санаев.



Саранскоень маслозаводось анокставя нолдамо. Ней рабочейтне ваннать эсист машинаст ды станокост.

СНИМКАСОНТЬ: Н. Д. Савельев, ру-желноветчаной цехень стахановецэсэ, ван-ны эсинзэ моторонзо.

Фотось П. Ивановонь.

## ШОВИНИСТНЭНЬ ВЫРОДКА

Саранскоень рабфаконь студентсь, комсомолецсь Галанцев Юрий общежитиясо студентнэнь ютксо эрва кода кирвасти шовинизманть. Сон сентябрь ковсто студент-эрзятнень ютксо спорясь ды доказывал сень, што эрзянь келесэ аволь эрзя тонавтнемс эрзянь учебной заведениянтнесэ ды, було, секс, што сонзэ эйсэ а кевкстнить лия школатнесэ. Тедэ мейле сон весе эрзятнень лемдинзэ аволь культурнойкс ды непонятливойкс.

Комсомольской организациясь макссь тензэ строгий выговор. Но Галанцев нейгак а лови эсинзэ валонзо покш ильведкскс.

П. Л.

П. Санаев.

евтнэсь, комсомолонь горкомось ды сонзэ руководителтьне алкуксонь тевсэ ульнесь безиятежной спокойствиянь состояниасо истя жо, кода районной кой-кона комитет-няк.

Заводтнэнь ды районтнэнь комсомольской организациянь ламо секретарть монень аялдьстэ теомс доклад омбо масторонь разведканень роботань коварной роботатнеде. Докладтнэ—эрзявикс ды вадрытев. Но аволь ансяк докладтнэсэ эрви од ломантнесэ воспитывать бдительностень чувстватнень. Бдительностентень од ломантнень эрви тонавтномс фабрикань, заводонь, учреждениянь таркань материальтнень коряс.

А эрви улемс омбо масторонь разведкатнень роботань коварной приемынэнь ды методтнэнь соды-цякс сень кис, штобу лангс таргамс истят ломантнень, кода Авербух эли аволь умом арестовазь Маринушкия. Маринушкин эсинзэ подробной показанийсонзо сермады: „Мон аштян комсомолсо правотроцкистской организациянть учасникекс 1935-це иестэнь. Мон ульнинь сюлмавозь Салтанов, Иркилис, Козовский, Авербух, Тумченко ды зярря лия ломань марто“.

Евтнэсь сон, примеркс, седе, кода Карелиясо тапарясь од ломантнень коммунистической воспитаниянть теветнэ: „мон сознательно комплектовинь политнавтнемань кружоктнэнь кулсоныцянть составонть истят комсомолецтнэнь эй-

стэ, конатнень аволь вейкетть подготавливань политической ды общеобразовательной уровенест. Тень кувалт седе анокстатне кружоктнэстэ тукшность секс, што сынст ульнесь аволь интересна, лавшосто анокстатне жо тукшность секс, што сынст ульнесь стака. Пётров заводскоенть келес 1937 иень 3 ковтнэнь перть истямо ладсо мон калавтын 11 кружокт“. Седетов сон яволятсь: „Мон калавтын малав 500 первичной комсомольской организацинт. Карелиясь—национальной республика. Монень макасть 27.000 целковойть тейтерть-карелкатнень туртов курстнэнь организовамонть. Неть курстнэнь мон эйизь тее. Истямо ладсо те задачанть, конась пек важной карельской условиятнесэ, мон сезия“.

Маринушкин задабривал комсомолецтнэнь, снартнэсь теомс приятельской отношенинт комсомолонь активистнэнь марто. „Бути эрзясь,—евтни Маринушкин,—конфренцияв тердемс 300 ломанть, мон тердтинь 500. Делегаттнэнь государстванть счет лангс максинь духт, галстукт, задабривал народонть, шуминь, алкуксонь тевсэ жо мезеязинь тейне. 600.000 целковойть ульнесь нолдазь Карелиясо физкультуранть кастамонень. Мон сынст нолдын боксеронь школанть лангс, теке марто школасонть арась вейкеяк карел. Школась теезь финитнэнь ды шведтнэнь эйстэ. Вредительствась

молись Иркилисэнь, Бушцевень ды лиягнэнь лездемаст коряс“.

Кода нейдядо, эсинзэ вредительской деятельностэнь Маринушкин особоковарной методт эзь куватне.

Пек ламо ялгат арсить, што комсомолс эцнить ды действуют ансяк троцкист, эли зинovieвект, эли правойть, лия государствань шпионизм жо а снартнить эдемс комсомолс.

Те а виде, те заблуждения. Вана, примеркс, Тумченко. Ай-арсян, што тетясь кармась лавгамо эли кенгелямо эсинзэ церанзо лангс. Бути жо варштамс Тумченкоконь тетяно показаниятнэнь, то омбо масторонь вейке разведка мар о сонзэ церанзо сюлмаватне кармить улемс чаркодевиксэкс. Вана Тумченкоконь тетяно показаниятнэнь эйстэ саевкс: „Мон аштян контрреволюционной троцкистской террористической организациянь членэкс, конась анокстась 1934 иестэ террористической акт С. М. Киров лангс... Эсинь церам Тумченко вельде мон добовинь гостевой билет партийной конференцияв, конась ульнесь 1934-це иень секция. Но секс, што монь таркам ульнесь васоло трибунант эйстэ, мон жо ульнинь вооружон нагансо, террористической актонть теомс не мог.. Монь церам Бронислав Тумченко содаь, што минек организациянь члентнэ анокстыть Кировонь маштомо“.

Но те аламо. Тумченкоконь тетя-

зо мерсь, што сон троцкист, алкукс жо ульнесь омбо масторонь военной организациянь членэкс. Морозов лемсэ заводсонть роботазь, сон тей в диверсионной зярря акт. Сонзэ участиясо ульнесь организовазь зярря рабочеень маштома. Но сонзэ главной миссиякс ульнесь взорвать те заводонть войнань ушодомсто. Сонзэ церазо—Бронислав Тумченко содаь—тетяно деятельности ды истя жо примсесь участия шпионажсэ ды диверсиятнесэ те разведканть заданиянзо коряс. Кода нейдядо, троцкистско бухаринской бандитнэ, диверсантнэ, машиниятне, шпионтнэ кемесэ понавсть фашистской шпионтнэнь ды диверсантнэнь марто.

Теке жо разведканть агентэкс ульнесь истя жо Забелло. Сон эрва кода оправдывался, невтнэсь сень лангс, што действовал лиятнэнь влияниясг коряс. Эсинзэ эйкакшокс шканзо сон ютавтызе польской приютсо ды тывсь Малецкой ксендзэнь средства лангсо. Мейле сон роботась полькой домпросветсэ. Домпросветсэ польской шпионтнэнь трокс мусь кить кодамо бути консулствас. Мейле роботась Московсо комсомолонь Центральной Комитетсэ. Тосто ульнесь кучозь Украинав. Сонзэ весе путешествиятне ульнэсь сюлмазь шпионской заданиятнэнь

(Пезэ 4-це страницасо)



## АРХИПОВАНЬ САМОЧИНСТВАЗО

„Ленинэнь киява“ газетасонть сермадозель уш седе, што Шугурова велень средней школасо эрзянь келень преподавательсь Архипова тонавты беряньстэ.

Зярд Архипова ловнызе сонзэ кувалт заметкатень, сонзэ пек саст кежензэ. Критикась тензэ эзэ вецке. Но те эшо а весе.

Октябрынь 8-це чистэ Архипова совась VIII-це классов, стувтызе тонавтомантыкак, сон наглоистэ кармасть вето допрос. Кевкстиесь цюпергнень ды Пивкин ялганть седе, кие ды мейсь истя обижи Архиповад эйсэ, мейсь истя сермалить сонзэ лангс. Сон корты, што сонзэ лангс сермадыцтень эйсэ булчом лия кияк карматни те тевентень.

Архипова тонавтництнень ютксо кортнй седе, штобусынь пшка-девелеть сонзэ кис, меревельть, што Архиповань арась кодамояк чумозо. Ды тагдавнеманть кувалт Архипова зяря тонавтницт таргась эсь енов. Пионер.

Редакциянт пельде. Эшо вест ледстятано Покш Березникень РОНО-нть мельс седе, што Шугуровань школасонть аволь весе тевес парте ашти. Архиповань преступной самочинстватне лиснить аволь случайно.

## ВИТЕВКС

„Ленинэнь киява“ газетань редакциянь сотрудникенть Логиновонь чумозо коряс „Китъ тонавтнить 7-це классо“ заметкасонть, кона печатазь „Л. К.“ газетасо октябрынь 3-це чистэ, лиссть ильведькст.

Верде алов ловозь 6-це строчкасонть сермадозь фамилия: Лучкаев—эряви ловномс Мучкаев.

Седе тов заметкасонть сермадозь:

„Од директорсь Я. В. Жарков 7-це классос приминзе Никитин Михаилэнь ды П. Никитинэнь, конатне прядсть ансяк 4 класст“.

Те абзацонть эряви ловномс истя: „Од директорсь Я. В. Жарков 7-це классос примизе П. Никитинэнь, кона прядсь ансяк 4 класст“. Редакциясь.

## КИТАЙСЭ ВОЕННОЙ ДЕЙСТВИЯТНЕ

Ненастянт кувалт октябрынь 7-це чистэ шанхайской фронтсонть ульнесь седе сатьме.

Октябрынь 6-це чистэ чинь-чоп мошьт бойть Лодянь районсонть. Китайской штабонть сведенияизо коряс японецтне бойтнесь емавтсть 500 солдат.

Китайской штабонь представитель являвтоманзо коряс, японецтне применяют массовой бомбардировкань тактика районтиень, конат аштит непосредственно оборонань китайской линиянт маласо, шкань-шкань японской стака артиллериясь действует атак лотксе 38 часонть перть. Фронтонь кой-кона участкатнесь японецтне тевс молдтнесь слезоточивой ды чесательной газт. Аравтозъ, што неть газтнэ вейке шкасто ульнесь удушливойкскак. Газтнэсь отравленной кой-кона солдатнэ кулсест.

Северной Китайсэ виев бойть молить Д-чжоу ошонть эйстэ 30 километрнэ тарка юг ено.

Централ Ньюс агенстванть сообщенианзо коряс, китайской 8-це армиянт ударной отрядось, октябрынь 5-це чистэ, валске, японецтнэнь кесть нельгизе Пинлу ошонть. Китайской войскактне тейсть пораженият японецтнэнь истя жо Юаньпин районсонть (Дай-чжоусто юго-западов) ды кружизь тесэ аштиця японской отрядонг, косо ловновить 2 тыщат ломанть.

Октябрынь 7-це чистэ японской самолетнэ таго бомбардировизь Кантононт. Воздушной налетсонть примать участия 41 самолетт. Икелень налетнэнь коряс, сермады „Дейли телеграф“ английской газетанть корреспондентэсь, те кавомась ульнесь сехте губительнойкс. Бомбардировазь ульнесь Кантон-Ханьковской кшнинь кись. Кшнинь кинть ланга якомось лоткавтозъ. Тапазь военной снаряжениянь временной складгнэ. Маштозъ малав 500 ломанть.

(ТАСС).

## КИТАЙСКОЙ ПАРТИЗАНТНЭНЬ ДЕЙСТВИЯСТ

Токио. Меельсь шкастонть се-едь те кармасть улеме сообщени-ят кода северной Китайсэ, истяжо Манчжурисояк партизанской движенианть молемадо. Японской войскактнень ды 2 тыщат боецнэстэ партизанской войскактнень ютксо покш бойть молить овн Бейпинэнь маласо. Тесэ бойтне ушодовсть октябрынь 4-це чистэ ды молить нейгак. Партизанской отрядсонть командови Бейпинской университетэнь икелень преподавательсь Чао Дун-га.

Северной Манчжурисо оперируют партизанской пек покш 4 отрядт. Вейке отрядсонть 400 боецт, сынтэ улить 2 минометост, японской стака 2 пулеметост, шож-дана 4 пулеметост. (ТАСС).

## ИСПАНИЯНЬ ФРОНТНЭСЭ

Чи лисема ено (арагонской) фронтсонть республиканской войскактне яла ветить эсист наступленианть Хака районсонть. Октябрынь 7-це чистэ сынэ занясть населенной 2 пунктт. Касбас-де Хака веленть занясто республиканской командованиясь, штобу а теэмс жертват, мерсь мятежиктнэнь сдаться. Мятежиктнэнь солдатнэ те предложенианть лангс отвечать „Шумбра улезз республикась!“ серемасонть. Мятежиктнэнь отрядонь капитанось ды 112 солдатнэ сдались. Саезь зяря военной снаряженият.

Северной фронтсонть мятежиктне, авиациянь ды артиллериянь вийтнэнь лездемост коряс, октябрынь 7-це чистэ чинь-чоп тейнэсть пек виев атакат. Весе атакатнень изнизь республиканецтнэ. Республиканской частнэнь контратакань результатсонть, мятежиктне емавтсь малав 500 ломанть маштозъ. Мятежиктнэнь лэмо солдатт сазь пленс. Республиканской артиллериясь стройстэ ливтсь фашистской 3 танкат. Правтозъ фашистской 2 самолетт. Саезь пленс германской вейке летчик.



Республиканской Испаниянь ойкакштнэ лездемт эсист тетат ды братост туртов, конатне ветить героической борюмо фашизманть каршо.  
СНИМКАСОНТЬ: Республиканской Испаниянь ойкакштнэ лездемт окопнэ чувомасонть.

Фотось Карменэнь.

## Комсомолс эцезь врагтнэнь коварной кой-кона приеитнэде ды методтнэде

( П е з э )

тонавтоманть марто. Служась Якстере Армиясо вейке не, ды те шканть перть некой разведывательной органтнэ истя жо сонзэ эзизь нолдтне эсист влияния ало, тевс нолдтнэз шпиконской цельтнень туртов.

Тумченонь ды Забеллонь вадристо содасызь ленинградской комсомольской активесь. Сынэ лэмо шкань перть подвизались Ленинградонь комсомольской организациятнэсь. Ялгатне, конат роботаст комсомолонь горкомсо ды обкомсо, косо орудовасть неть врагтнэ, содылизь сынэ ды нексинизь сынэ эрва чистэ. Вряд ли истямо ломань, кода Тумченко, мог ветямс эсь призо прок выш-коленной незунт. Вряд ли эсть маравкшно сонзэ враждебной нотканзо. Эряви арсемс, што ульнэсть зяря сигналт, наметк, выраженият. Ды, бути бу комсомольской организациятнэва улелель алкуксонь бдительность, Тумченко ды Забелло не могли бу зяря жень перть кандтлемс чамакт.

Гидрологической институтсо минь лангс таргинеке од ломант-

нень контрреволюционной группа. Оказываетс, кодамо бути Кирсанов тонавтнесь европейской вейке государствань столицасо. Тосо сон кармасть соламо младоросстнэнь группанть, белогвардейской эмигрантской од ломантнэнь организациянт эрямо, конасонть эмигрантской од потомкатнэнь обрабатывали сыре матерой белогвардеецтнэ. Ды вана Кирсанов, кона кучозь тонавтнэме границань томбалев, сюлмави младоросстнэнь контрреволюционной те организацианть марто, сови сонзэ эйс. 1934 нестэ, Советской Союзов велявтомало мейле ды эсинэзь связьтнэнь тевс ютавтозъ, сон Гидрологической институтсонть тейсь группа зяря ломанэст. Группась институтсонть роботаст сатыш-касто наив. Сонзэ контрреволюционной деятельностезь шождалгавтозель сеньсэ, што институтсонть комсомольской организациясь лавшосто ветясь од ломантнэнь беряньстэ содась од ломантнэнь эрямост.

Лия институтнэсэ, Крупская лемсэ Комвузсонть ды Герцен лемсэ

Педagogической институтонь раб-факсонть пурнавсь миненек чуждой ломантнэстэ компания. Михайловский—кулаконь цера, сонзэ братозо, конань ули уголовной прошлосэ, ксит—эстонец, кулаконь цера; Артемьев—кулаконь цера, Колобов—торговецнэ воспитанник. Те ульнэсь чуждой средасто лисезьтнэнь группа, конань лангс эрвась башка бу варштамс. Тевь эзизь тее. Од прятнэсэ пек лэмо романтизма. Ули жо сволочь белогвардеецтнэнь эйстэ, конась спекулирови неть струкатнэнь лангсо. Сон сехте раужо тев—шпионаж ды маштнемат вети романтиканть алов. Ды од ломантне кой-зардо тенень понгонить. Кулаконь зяря церактне, конатне орудовасть кавто неть вузтнэсэ, ульнэсть сюлмавозь эсь ютковаст ды сатышкасто наив ветясь эсист подлой контрреволюционной роботаст студентстванть ютксо.

Историянь, философиянь ды литературы институтонть сатышка лэмо шкань перть ульнэсь польской од националистнэнь эйстэ группа (Хромченко, Харкурия ды лияг). Орудовасть сынэ 1934 нестэнь саезь 1937 нес ды аравтсь эсист задачкас сеземс польской од ломантнэнь комсомолонь влияниясто. Эсист агитациясь сынэ ютавтсь

малав валдова. Косо жо ульнэсь комсомолось?

Социалистической земледелианть механизациянь инженертнэнь институтсонть—весе од ломанть, ды сынэ эйстэ ламотне—комсомолецт. Сынэ эйстэ кой-конатне пек ловность Ницшенэ, ды самай те Ницшенэ лангсо сынэ синдизь эсист прят полдаст.

Эряви решительностэ кортазевемс од ломантнэнь ды комсомолецтнэнь моральной ванькс-чидейть а нолдтнемс бытовой мик вышкине отклоненият минек мораленть вешеманзо эйстэ.

Миненек эряви минек родинань врагтнэнь маштомс неде-пав, ды мон арсян, што минь те роботанть тейсьнек. Тынк марго вейсэ минь ленинской комсомолстанть таргсесынек троцкистнэньгак, правойтнэньгак, буржуазной националистнэньгак. ВЛКСМ нь ленинградской организациянт од руководствась должен теэмс нолдазь ильведькстнэнь эйстэ эрявикс выводт се марто, штобу ленинской комсомолось эрва зардо улелель минек партианть гордостекс.

(„Комсомольская правда“).

Шкань ответ. редакторсь  
Д. АДУШКИН.